



Hoćete li da vas obavijestim ko su najbolji među vama i ko su najgori među vama?

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, jednom prilikom zastao kod nekih ljudi koji su sjedili te ih upitao: "Hoćete li da vas obavijestim ko su najbolji među vama i ko su najgori među vama?" To je ponovio tri puta, a oni su šutjeli. Tada neko reče: "Svakako, Allahov Poslaniče, obavijesti nas ko su najbolji, a ko najgori među nama." On reče: "Najbolji među vama su oni od kojih se očekuje dobro i od čijeg su zla ljudi sigurni. S druge strane, najgori među vama su oni od kojih se ne očekuje dobro i od čijeg zla ljudi nisu sigurni."

[صحيح] [رواه الترمذي]

Allahov Poslanik, sallallahu alejhi ve sellem, zastao je kod skupine svojih ashaba koji su sjedili pa ih je upitao: "Hoćete li da vas obavijestim i podsjetim koji su od vas najbolji, a koji su najgori?" Ništa nisu odgovorili, niti su išta progovorili, iz bojazni da će se razotkriti ko je najbolji, a ko najgori. Uslijed toga, iz straha od osude i sramote ostali su nijemi. Poslanik je ponovio pitanje tri puta, pa je jedan čovjek među njima odgovorio: "Svakako, Allahov Poslaniče, obavijesti nas ko su najbolji i ko su najgori među nama!" Tada im je Vjerovjesnik pojasnio: "Najbolji među vama su oni od kojih se očekuje dobro, čijem se dobru i dobročinstvu drugi nadaju i priželjkuju ga, te od čijeg se zla ljudi osjećaju sigurnim, pa se ne boje nepravde, uznemiravanja i nasilja. A najgori među vama su oni od kojih se ne očekuje dobro niti se u njega polaže nada, a od čijeg se zla ljudi ne osjećaju sigurnim. Naprotiv, ljudi se boje nepravde, uznemiravanja i nasilja s njegove strane."

<https://sunnah.global/hadeeth/bs/show/66254>

